

22.05.2025

Священник: Мир всем.

Чтец: И дýхови твоемý.

Диакон: Премýдрость.

Чтец: Прокимен, глас 3: Пóйте Бóгу нашему, пóйте, пóйте Царéви нашему, пóйте.

Лик: Пóйте Бóгу нашему....

Чтец: Всí язýцы восплещíте рука́ми, воскли́кните Бóгу гласом ра́дования.

Лик: Пóйте Бóгу нашему....

Чтец: Ин прокимен, глас 7: Восхва́лятся преподо́бнии во сла́ве/ и возра́дуются на ло́жах сво́их.

Лик: : Восхва́лятся преподо́бнии

Диакон: Премýдрость.

Чтец: Дея́ний святы́х Апóстол чтéние.

И паки диакон: Вóнмем.

Чтец: Во дни о́ны, изы́де Пáвел с Варна́вою в Дéрвию.

Благовество́васта же гра́ду томý и научи́ста мно́ги, возврати́стася в Ли́стру и Икони́ю и Антиохи́ю, утвержда́юща дýши ученико́в, моля́ща пребы́ти в ве́ре, и

я́ко мно́гими скорбьми́ подобáет нам вни́ти в Цáрствие Бóжие. Рукополо́жше же им пресви́теры на вся цéркви и помолíвшеся с постóм, преда́ста их Гóсподеви, в Него́же ве́роваша. И прошéдша Писиди́ю, приидóста в Памфи́лию. И глаго́лавша в Перги́и сло́во Господне, снидóста во Аттали́ю. И оттúду отплы́ста во Антиохи́ю, отню́дуже бе́ста прéдана благода́ти Бóжией в де́ло, е́же сконча́ста. Пришéдша же и собра́вша цéрковь, сказа́ста, ели́ка сотвори́ Бог с ни́ма и я́ко отве́рзе язýком дверь ве́ры. (Зач. 35 В. Деян.14:20-27)

Бра́тие, повинýйтесь наста́вником ва́шим и покара́йтесь, ти́и бо бдят о душа́х ва́ших, я́ко сло́во возда́ти хотя́ще, да с ра́достью сиé творя́т, а не воздыха́юще, несть бо полéзно вам сиé. Молíteся о нас, упова́ем бо, я́ко добру́ со́весть íмамы во всем, до́бре хотя́ще жи́ти. Ли́шше же молю́, сиé творíte, да вскóре устро́юся вам. Бог же ми́ра, возведýй из ме́ртвых Па́стыря овца́м вели́каго, кро́вию завета́ ве́чнаго, Гóспода нашего́ Иису́са Христа́, да соверши́т вы во вся́ком де́ле бла́зе, сотвори́ти во́лю Его́, творя́ в вас благоугóдное пред Ним, Иису́с Хри́стом. Емýже сла́ва во ве́ки веко́в. Ами́нь.

(Зач. 335. Евр.13:17-21)

Священник: Мир ти.

Чтец: И дѹхови твоємѹ.

Диакон: Премѹдрость.

Чтец: Аллилѹиа. Аллилѹиа. Аллилѹиа, глас 4.

Чтец: Наляцѹи, и успевай, и Царствуй, истины ради и кротости, и правды.

Лик: Аллилѹиа. Аллилѹиа. Аллилѹиа.

Чтец: Возлюбил еси правду, и возненавидел еси беззаконие.

Лик: Аллилѹиа. Аллилѹиа. Аллилѹиа.

Чтец: Священницы Твои облечутся в правду, и преподобнии Твои возрадуются.

Лик: Аллилѹиа. Аллилѹиа. Аллилѹиа.